

# Scéal, Scéal, Scéal...



09 Feabhra 2023 || Eagrán 133

*Scéilíní, nuaiocht agus fógraí as Cois Fharraige.*

## **Nóta ó na hOifigigh Pleanála Teanga**

**Ba bhreá linn cloisteáil uaibh agus deis a thabairt daoibh bheith páirteach i *Scéal, Scéal, Scéal...* Tá fáilte 's fiche romhaibh altanna, scéalta, filíocht nó léirmheas fiú a réiteach agus a sheoladh chugainn don nuachtlitir, chuile sheachtain!**

**Chomh maith le sin, cuireann muid fáilte roimh chomhfhreagras ón bpobal maidir le bealaí ar bith gur féidir linn cúnamh nó tacaíocht a thabhairt daoibh. Is féidir teacht orainn in Inis Fáil, sa Spidéal (trasna ón séipéal) nó ag 083 010 6294 nó [optchoisfharraige@gmail.com](mailto:optchoisfharraige@gmail.com)**





# SÉASÚR NUA AG STIÚIDEO CUAN

Tá sraith nua de choirmeacha ceoil den scoth, darbh ainm Féasta Ceoil an Spidéil 2023 fógartha ag Stiúideo Cuan. Cuirfear tús leis an sraith nua ar an Aoine 24ú Feabhra le Téada. Is iomaí aoí iontach a bheas ann idir seo agus mí Bealtaine, le Líadan, Na Casadaigh agus Altan san áireamh, chomh maith le Paddy Keenan thar dhá oíche thart ar aimsir na Féile Pádraig. Le ticéad, ní ticéid a chur in áirithe is féidir teagmháil a dhéanamh leis an bhfoireann ag Stiúideo Cuan ach teagmháil a dhéanamh leo ag [oifig@studiocuan.ie](mailto:oifig@studiocuan.ie) nó ar 091 553 838 Ní mór teagmháil a dhéanamh go luath le d'áit a dheimhniú!

## **Féasta Ceoil an Spidéil '23**

**Spring Concert Series 2023**

- 24.02 Téada**
- 10.03 Líadan**
- 17 & 18.03 Paddy Keenan**
- 23.03 Slide**
- 24.03 The Bonny Men**
- 25.03 Skipper's Alley**
- 06.04 Raw Bar Collective**
- 07.04 Na Casaidigh**
- 20.04 Altan**
- 21.04 T With The Maggies**
- 19.05 Cherish The Ladies**

[www.stiuideocuan.ie](http://www.stiuideocuan.ie)

**An Spidéal, Co na Gaillimhe**



# COMÓRTAS LITEARTHA AN OIREACHTAIS 2023

Tá an tOireachtas ag glacadh anois le hiarratais do Chomórtais Liteartha an Oireachtais 2023. Tá tríocha haon (31) comórtas ar chlár na bliana seo – cúig déag (15) acu sin dírithe ar scríbhneoirí fásta agus sé déag (16) dírithe ar scríbhneoirí óga. Tá réimse leathan seánraí ar an siollabas comórtais: úrscéal; gearrscéal; ficsean d'fhoghlaimeoirí fásta; próis; filíocht; iriseoireacht; greannán; agus drámaíocht ina measc. Cuirfear duaischiste ar fáil do gach comórtas agus níos tábhachtaí fós, cuirfidh an painéal moltóirí aiseolas luachmhar ar fáil do na scríbhneoirí ar a gcuid saothar – aiseolas a chabhróidh le forbairt, bláthú agus scileanna scríbhneoireachta na scríbhneoirí. Is féidir iarratas a chur isteach ar líne ag an nasc seo: [www.antoireachtas.ie](http://www.antoireachtas.ie) nó is féidir cóip den fhoirm iarratais a fháil ó Oifig an Oireachtais agus í a sheoladh chuig: Comórtais Liteartha an Oireachtais 2023, Casla, Conamara, Co. na Gaillimhe, H91 XP6E. Glacfar le hiarratais go dtí Dé Sathairn 1 Iúil 2023.

## Comórtais Liteartha an Oireachtais 2023

Úrscéalta & Próis

Aistí

Gearrscéalta

**Spriocdháta**

**Iontrála:**

**1 Iúil 2023**

Iriseoireacht


Filíocht

Greannáin


Drámaíocht

...agus go leor eile


Déan Iontráil Anseo: [www.antoireachtas.ie](http://www.antoireachtas.ie)







# CISTE SPREAGTHA DO SHEACHTAIN NA GAEILGE



D'fhógair Conradh na Gaeilge go mbeidh Seachtain le Gaeilge le Energia ag riaradh an Chiste Spreagtha arís i mbliana. Beidh an Ciste Spreagtha, atá maoinithe ag an Roinn Turasóireachta, Cultúir, Ealaíon, Gaeltachta, Spóirt agus Meán, ar oscailt do ghrúpaí pobail ar fud an oileáin agus bronnfar deontais de €1,000 ar na grúpaí a éiríonn leo maoiniú a bhaint amach ón gciste seo. Beidh dhá thréimhse ina mbeidh maoiniú ar fáil d'imeachtaí. Beidh Sciar a hAon feiliúnach d'Imeachtaí a mbeidh ag tarlúint le linn Sheachtain na Gaeilge (1-17 Márta 2023). Glacfar le hiarratais don sciar seo go dtí meánlae ar an Aoine 17ú Feabhra. Baineann Sciar a Dó le Imeachtaí a mbeidh ag tarlúint idir 17 Márta & 30 Meitheamh 2023. Glacfar le hiarratais don sciar seo go dtí meánlae ar an Aoine 3ú Márta. Is féidir iarratas a dhéanamh agus breis sonraí a fháil ag an nasc: [www.snag.ie/cs](http://www.snag.ie/cs).



## TRÁTH NA GCEIST

Beidh Tráth na gCeist ag Cumann Sacair Chois Fharraige ar an Aoine 17ú Feabhra. Cuirfear tús leis an oíche @ 8i.n. i dTigh Chualáin. Beidh crannchur ar an oíche, agus gearrfar táille de €40 ar bhord de cheathrar le clárú. Le níos mó eolais a fháil is féidir teagmháil a dhéanamh leis an gcumann ar a gcuntas Facebook: Cumann Sacair Chois Fharraige.





**BIG LINN!**



Is muide

**CUMANN CAMÓGAÍOCHTA CHOIS FHARRAIGE**

**GLAC  
PÁIRT**

aclaíocht, comhlúadar,  
cairdeas... agus neart spraoi!

**TRAENÁIL FAOI DHÍON AG TOSÚ GO LUATH**

do chailíní 6 bl. + d'aois  
fáilte roimh imreoirí nua

ag tosú

11/02/23 @ 10m  
Scoil Sailearna


**DÉAN TEAGMHÁIL LINN**



Máirtín 086 4084033 | Caitríona 087 7600689 | coisfharraige21@gmail.com

**CLÁRAIGH AR FOIREANN.IE**





# RANGANNA GAEILGE

do Thuismitheoirí

**Ranganna Gaeilge do:  
Thuismitheoirí (Tosaitheoirí)**  
Irish Classes for Parents (Beginners)

Cúrsa 6 seachtaine @ €20

**Déardaoin 9ú Feabhra**  
**Inis Fáil, An Spidéal (H91 X63V)**



Moltar clárú roimh ré ag  
**[optchoisfharraige@gmail.com](mailto:optchoisfharraige@gmail.com)**  
(register early to avoid disappointment)





# FOLÚNTAS LE COMHARCHUMANN SHAILEARNA

Tá post mar chomhordaitheoir tionscadail fógartha ag Comharchumann Shailearna Teo. Duine cruthaitheach tionscantach atá á lorg. Beidh an té a cheapfar lonnaithe in Oifig an Chomharchumainn ag Seanscoil Sailearna, sna hAille, Indreabhán. Tá níos mó eolais le fáil faoin bpost ar shuíomh idirlín an Chomharchumainn: [www.cst.ie](http://www.cst.ie) nó trí ríomhphost a chur ag an seoladh [sailearna@gmail.com](mailto:sailearna@gmail.com). Le cur isteach ar an bpost is gá litir iarratais a sheoladh chomh maith le CV chuig: An Bainisteoir, Comharchumann Sailearna Teo., Indreabhán. Beidh sonraí teagmhála de bheirt mholtóirí riachtanach.




Comharchumann  
Shailearna Teo

## COMÓRTAS NÁISIÚNTA LIATHRÓID LÁIMHE

Comhghairdeachas ó chroí le Oisín Ó Neachtain agus éacht bainte amach aige ag Comórtas Náisiúnta Liathróid Láimhe le gairid. Dé Luain seo caite a bhí an comórtas ar siúl. D'éirigh le Oisín an lámh in uachtar a fháil ar Jake Ó Neill, ó Chill Chainnigh, leis an scór 15 - 11, 15 - 03. Go dtí seo tá Craobh na hÉireann Aon Bhalla buaite ag Oisín chomh maith. Tá sé ina bhall de Chumann Liathróid Láimhe Micheál Breathnach ar an gCnoc, Indreabhán.







# RANGANNA GAEILGE

do Thosaitheoirí

**Ranganna Gaeilge do:  
Thosaitheoirí**  
(Irish Classes for Beginners)

Cúrsa 6 seachtaine @ €20

**Dé Máirt 7ú Feabhra**  
**Inis Fáil, An Spidéal (H91 X63V)**



Moltar clárú roimh ré ag  
**[optchoisfharraige@gmail.com](mailto:optchoisfharraige@gmail.com)**  
(register early to avoid disappointment)





# OÍCHE SHÓISIALTA CLG MICHEÁL BREATHNACH

Beidh Oíche Shóisialta ag Cumann Micheál Breathnach in Óstán Chois Fharraige ar an Aoine 10ú Márta. Beidh dinnéar ar fáil, bronnfar duaiseanna agus aitheantais éagsúla ar bhail an chlub, agus neart ceoil, craic agus spraoi ann! Beidh na ticéid le ceannach ar líne an tseachtain seo chugainn, ar €45 an ceann. Le níos mó eolais a fháil faoin ócáid, is féidir teagmháil a dhéanamh leis an gclub ar a gcuntas Facebook: Club Iománaíochta Bearna-Na Forbacha.

## TRÁTH NA GCEIST



Club Iománaíochta Bearna/Na Forbacha

**Tráth na gCeist!**



**Déardaoin 09/02/23**  
**Óstán Chois Fharraige**  
**Tosnú ag 7:30 in**



#gaagaelge

**Bia, Deoch, Craic, & Duaiseannaí ar an oíche!**

 Glór na nGael

€10 an duine / €40 ar bhord

Cuir do thicéad in áireamh anois:

 [pro.barnafurbo.galway@gaa.ie](mailto:pro.barnafurbo.galway@gaa.ie)

 Whatsapp (083) 0730656





# MAIDIN CHAIFE DO THUISMITHEOIRÍ SNA FORBACHA

Tá maidin chaife do thuismitheoirí á reáchtáil ag Fóram Chois Fharraige um Pleanáil Teanga i Scoil na bhForbacha ar an Aoine 24ú Feabhra @ 9:30r.n. Beidh na hOifigh Pleanála Teanga i láthair chomh maith le hOifigeach Forbartha Cúige Chonnacht/Laighean le Tuismitheoirí na Gaeltachta le labhairt le na thuismitheoirí faoi na tacaíochtaí agus seirbhísí a chuireann siad ar fáil. Deis do chupán tae agus plé a bheas ann!



## Maidin chaife do thuismitheoirí

Dé hAoine 24 Feabhra  
@ 9:30r.n.

i Halla Scoil na bhForbacha



Tuilleadh eolais: [ocptchoisfharraige@gmail.com](mailto:ocptchoisfharraige@gmail.com).

Cupán tae agus comhlúadar!

**Is í an Ghaeilge teanga na hócaide seo**

